



Devisão Relações Públicas, Comunicação e Educação Cívica

Agenda Nº 123/III (2) Reuniaun Plenária Segunda-feira, 20 de janeiro de 2014

Sesaun Plenária ba laron ohin nian, prezide husi Presidente Parlamento Nacional Sr. Vicente da Silva Guterres hamutuk ho I^o Vice Presidente Sr. Adriano do Nascimento, II^o Vice Presidente Sr. Adjerito Hugo da Costa, Secretária Mesa Sra. Maria Fernanda Lay, I^o Vice-Secretária Sra. dep. Angelina de Jesus Machado no II^o Vice Secretária Mesa Sra. dep. Angela Maria Corvelo Sarmento.

Plenária ohin nian, participa mos husi Primeiro Ministro Sr. Kay Rala Xanana Gusmão, Vice Primeiro Ministro Sr. Fernando La Sama de Araújo no membro sira husi V Governu.

Depois de halo diskusaun especialidade iha Comissão Eventual durante laron 5, ohin lorokraik horas 15h00 retoma fila fali diskusaun iha Plenaria Parlamento Nacional hodi halo diskusaun votasaun ba especialidade no halo votasaun ba Texto Substitutivo ba Proposta de Lei n.10/III (2) kona ba “Orsamentu Geral do Estado da República Democrática de Timor Leste 2014” nebe mosu hanesan rezultadu husi Konsensu.

Periodo da Ordem do Dia ho agenda únika:

Diskusaun no votasaun especialidade ba Proposta de Lei n.10/III (2) kona ba “Orsamentu Geral do Estado da República Democrática de Timor Leste 2014”

Presidente fo tempo ba I Vice Presidente atu halo leitura ba Relatório actividade sira husu Comissão Eventual nebe halo recolha no compila Proposta de Alteração ba Proposta de Lei n.10/III (2) kona ba “Orsamentu Geral do Estado da República Democrática de Timor Leste 2014”

Depois I Vice Presidente halo leitura, Presidente fo tempo ba Primeiro Ministru Sr. Kay Rala Xanana Gusmão, atu halo intervensaun. PM hato’o katak ho laran todan Governo labele simu 426 Proposta de Alteração nebe mai husi Deputado sira no considera deit diskusaun nebe mai husi diskusaun ba generalidade tamba hare liu ba sentido de estado nebe importante tebes ba futuro. Husi Governo apresia tebes debate ba generalidade katak tenki hatun tamba ida ne’e maka Governo husu tempo ba Comissão Eventual maibe Governo la consegue reduz ba 1.3 bilaun tamba iha ona kopromisu hodi nune’e Governo fiar katak Plenaria sei lori buat ida nebe maka diak. Agora Retificativo ne’e laos atu hasae orçamento maibe atu hatun no sei fo kbiit boot liu ba PN atu halo fiskalizasaun, Governo rekoñese katak Estado ida ne’e maka hari’i hodi Governo halo konsolidasun iha fatin-fatin no ita hotu hetan responsabilidade, hodi nune’e ita bele hetan nasaun ida que forte.

Depois ne’e Presidente fo tempo ba Bankada Parlamentar FRENTI MUDANÇA atu halo intervensaun ba Texto Substitutivo katak sira apoio ba Texto tamba Texto ida ne’e mai husi konsesu, Bankada Parlamentar PD mos simu Texto Substitutivo no sai orgulho boot tamba iha inovasaun husi Texto Substitutivo. Bankada Parlamentar FRETILIN hato’o katak ponto principal maka kona ba sustentabilidade financeiro hodi assegura qualidade eksekusaun hodi hatun inflasaun. Ita hotu iha hanoin hanesan maka 1.3 bilaun atu kumpri texto orçamento nebe racional no kumpri kompensasaun financial maibe Governo ho

Parlamento esforsa atu halo buat nebe diak ba OGE 2014. Bankada Parlamentar FRETILIN husu ba deputado sira atu hare artigo 8 alinea 4 no 6 nebe hato'o kona PN sei realiza debate trimestral no sei iha orçamento rectificativo iha fulan Julbo ou Setembro. Bankada Parlamentar CNRT hato'o katak CNRT laiha objesaun ba Texto Substitutivo nebe mai husi konsensu no pronto ona halo dikusaun especialidade no kontinua husu ba Deputado sira atu hare artigo 8 Texto Substitutivo nebe atu kesi Governo kona ba eksekusaun.

Depois ne'e Presidente fo tempo ba Senor deputado sira hodi hato'o sugestoes no intervensaun kona ba Texto Substitutivo. Deputado sira hato'o nusa maka hasai projecto barak husi MAP, Obras Public no Saude maibe hare laiha pensamento logiku, hamenus fali orçamento ba irigasaun maibe kontinua sosa fini barak. Deputado sira koalia mos orçamento nebe aloka ba Salarios e Vencimento nebe sae maka'as, koalia mos kona ba Capital Menor ho Bens e Serviço nebe maka sae maka'as no Capital de Desenvolvimento tun fali. Koalia mos kona ba compras de armas ba PNTL, koalia mos kona ba orçamento nebe aloka ba SEFOPE nebe mantein ho 12 milhoens maibe deputado sira husu projeto sira foun ou tuan, deputado sira hato'o katak Membros Governo sira dada is iha dalan klaran liu-liu ba membro governo nebe inkapaz nebe buka hadau malu projecto deit. Deputado sira husu ba Governo atu hare eskola tamba aluno sira maka tur iha rai tenki tau sira iha dignidade. Deputado sira hato'o apresiasaun ba konsensu ba orçamento ida hatudu katak leaders sira iha ona boavontade. Deputado sira atu hare mos bolsa da mae ba martires nian oan sira no konsensu ida ne'e labale hamate democracia.

PM hato'o katak konsensu ida ne'e sei la hamate democracia, maibe ita labele resolve 426 Proposta de Alterasaun iha 10 dias maibe iha fulan 2 nian laran, Governo mos hare ona professores contratados nian problema, agora ba oin ita presisa hadia buat barak, kona ba eskola katak iha 2014 labele iha tan labarik ida atu tur iha rai. Eskola laiha ahi, sintina, karteiras no estradas ba eskola Governo sei esforsa hotu, tinan ida ne'e sei hotu ho retensaun. Kona ba despesa de korentes iha Bens e Servico ho Capital Menor amis ei buka meios atu fahe ba deputado sira hotu, kona ba 6 milhoens ne'e laos ba fini deit maibe ba merenda escolar no seluk-seluk tan. Kona ba pensaun ba funcionários publicos ida ne'e ita sei koalia no hanoin hamutuk. Kona ba sosa armas ba PNTL la consegue hetan konsensu tamba ita nian UPF persija tebes.

Depois Primeiro Ministro resposta ba perguntas no sugestoes husi Senor deputado sira, Plenaria tama kedas ba votasaun ba Texto Substitutivo nebe mai husi Comissão Eventual, Resultado votasaun : a favor 61, kontra 0 no absntensoens 4. Hodi nune'e Texto Substitutivo passa no Texto Substitutivo ne'e maka sei sai instrumentu ba diskusaun ba especialidade.

Deputado sira halo votasaun ba :

Capitulo I Definições e Aprovação Artigo 1 (Definições)

- Senor deputado sira halo diskusaun no votasaun ba artigo 1 (Definições). Resultado votasaun : a favor 65, kontra 0 no abstensoens 0.artigo ne'e passa por unanimidade.

Artigo 2 (Aprovação)

- Senor deputado sira halo diskusaun no votasaun ba Anexo I (Estimativa de Receitas a serem cobradas, empréstimos e saldos dos fundos especiais do Orçamenta Geral do Estado para 2014) . Resultado votasaun : a favor 57, kontra 0 no abstensoens 8.artigo ne'e passa.
- Senor deputado sira halo votasaun ba alínea a husi artigo 2. Resultado votasaun : a favor 58, kontra 0 no abstensoens 7. Alínea a artigo 2 passa.

Presidência da República

- Senor deputado sira halo diskusaun no votasaun ba orçamento nebe aloka ba Presidência da República. Resultado votasaun : a favor 63, kontra 0 no abstensoens 2. Hodi nune'e orçamento 2014 nebe aloka ba Presidência da República passa.

Parlamento Nacional

- Senor deputado sira halo diskusaun no votasaun ba orçamento nebe aloka ba Parlamento Nacional. Resultado votasaun : a favor 45, kontra 3 no abstensoens 17. Hodi nune'e orçamento 2014 nebe aloka ba Parlamento Nacional passa.

Ikus liu Presidente encerra Plenaria ohin nian no Plenaria kontinua fali aban, Terça-feira, 21 fulan Janeiro tinan 2014 as 09h00.

Cumprimentos

Devisão Relações Publicas, Comunicação e Educação Civica